



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 62. Canones circa communionem sub utraque specie conditi.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

„lis ab ejus sumptione non exemptis: Sæcul. XVI. A.C. 1562.
 „concludo igitur, quod usum parvulos
 „non communicandi approbem, inte-
 „rim quod concilium de hoc capite,
 „quamvis id a nemine impugnetur,
 „disceptationem instituat, id omnino
 „ratum habere non valeo.

§. LXII.

*Canones circa communionem sub utra-
 que specie conditi.*

Postquam Theologi mentem suam hac Pallav. n. 12. Et c. 7. n. 1. Lit. Legat. ad Borrom. Et Papam Et 9. Jun. apud Fall.
 super re aperuerant, quatuor con-
 debantur Canones, qui in Congrega-
 tione die vigesimo tertio Junii habita
 proponebantur, in quibus anathema
 dicebatur ei, quicumque dixerit. I. „ex
 „Dei præcepto sumendam esse Eucha-
 „ristiam sub utraque Specie. II. Er-
 „rasse Ecclesiam, in ea laicis prohi-
 „benda. III. Non tantum accipi sub
 „una specie, quantum sub utraque,
 „quia non accipitur totum id, quod
 „Christus instituit. IV. Necessariam
 „esse, & ex Divino mandato sumen-
 „dam Eucharistiam parvulis, antequam
 „perveniant ad usum rationis.,

Verum Cæsarei, cum circa Calicis
 usum decisionem fieri exoptarent, po-
 stulabant, ut Sessio tamdiu differretur,
 donec omnia probe discussa tandem de-
 cidi queant: postea palam profiteban-

Sæcul. XVI. tur, se non permissuros, ut Synodus
A. C. 1562. ad alia progrediretur decreta, usque
 dum ipsi ea, quæ postularunt, obti-
 nuissent; caussabantur enim, ejusmodi
 repulsam secretis ex caussis fieri, quæ
 tamen Cæsaris honori, necnon promissis
 eidem factis adversantur, ut ideo gra-
 vis Imperatoris indignatio timenda foret,
 nisi ejus postulatis satisfieret. (*)
 Verum ad hæc responderunt Legati,
 quod Synodi decreta retardare haud
 cogitent: insuper objurgationes ipsis factas
 prorsus inanes esse demonstrabant,
 ac primæ suæ responsioni firmiter insiste-
 bant.

Ceterum in concepta hujus decreti
 formula hæc legebantur verba: permis-
 sum est Ecclesiæ honestis de caussis, pro
 locorum, temporumque conditionibus,
 usum calicis laicis concedere: com-
 mittitur autem Patribus, ut expendere-
 rent, an ejusmodi causæ respectu Bo-
 hemorum, aliorumve nunc suppeterent.
 Verum ad obtinendum tale Decretum
 sub conditione, per quod nihil confice-
 retur, minime laborabant Cæsariani:
 ideo cum id temporis Patrum propen-
 sionem

(*) Aut hi Oatores ignorabant, quod
 Cæsar totum negotium Legatorum arbitrio
 reliquerit, aut illi pro suo arbitrio ex usurpata
 auctoritate Legatos hisce postulatis vexabant.

tionem sibi haud propitiam comperi-
rent, atque Sessionis dilationem im-
petrare desperarent, tandem ejus cele-
brationi consenserunt, dummodo arti-
culus ille silentio neutiquam obvolvere-
tar, sed haberetur suspensus, adjecta
Synodi declaratione, quod duo e quin-
que articulis omitti, quam celerrime
posset, per opportunitatem expendere-
tur, & praeterea pollicerentur Legati,
se Pontifici commendaturos Oratorum
postulata: porro id ipsum postea etiam
praestitere die nona Julii. Itaque de
quatuor illis Canonibus agebatur, quo-
rum mentio jam fuerat facta in conventu
die trigesima Junii habito, Patres con-
sensere in duos primos, non item in
tertium.

§. LXIII.

*Examen quaestionis, an Christus su-
matur integre sub una specie?*

Cum in hoc articulo quaestio move-
retur, an Christus Dominus sub
unica specie integer recipiatur? hinc
Granatensis Archiepiscopus affirmabat,
hanc quaestionem jam sub Julio III. fuisse
definitam, cum illic declaratum esset,
totum Christum integre contineri sub
qualibet specie, ut proin, si rursus idem
definiretur, objici posset, quod haec
Synodus non sit prioris continuatio,
sicque omnia priora decreta rursus

Saecul. XVI.
A.C. 1562.

Pallav. c. 7.
n. 6. & 7.